

18/68.

DISSERTATIO INAUGURALIS
DR.
MEMBRANAE TYMPANI
USU

QUAM
CONSENTIENTE AMPLISSIMO MEDICORUM
ORDINE

IN
UNIVERSITATE CAESAREA LITERARUM
DORPATENSI,

UT GRADUM
DOCTORIS MEDICINAE

LEGITIME ADIPISCATUR,
LOCO CONSUETO PUBLICE DEFENDET
AUCTOR

FRI D E R I C U S C O R N E L I U S,
PALAEOWENDA - LIVONUS.

DORPATI LIVONORUM
EX OFFICINA ACADEMICA J. C. SCHUNMANNI.

MDCCCXXV.



Praemonita.

Imprimatur,

**ea tamen conditione, ut, simulac typis excusa fuerit haec
dissertatio, septem exemplaria collegio; cui censura libro-
rum mandata est, tradantur.**

Dorpati Livonor. d. xxviii. m. Maii MDCCXXV.

Dr. L. A. Struve

b. t. Decanus.

*Quoniam rei alicujus effectum dijudicaturo,
hanc ipsam rem ut satis perspectam habeat
necessere est; priusquam in rationem, qua tym-
panum auris humanae auditum juvet maxime
que ei sit usui, inquirerem, nonnulla, tum
de natura atque indole, tum de utilate, quae
ex situ ejus in aure humana prodeat,
praemittenda necessarium putavi. Hanc ob-
causam etiam hoc opusculum in duas partes
divisi, quarum in priore, quum in rerum ex-
plicatione potissimum observationum mearum
et experimentorum eventibus niti mihi propo-
suisse; diutius haesi. Hoc eo magis mihi
licere arbitratus sum quo minus novi atque
proprii secundam partem continere posse mihi
conscius essem, bene memor Terentiani
illius: „nihil est dictum, quod non dictum
sit prius, attamen nihil est non dicendum.”*

*Utrum fauste processerit opera themati-
mèo pertractando impensa, an minus; perito-
rum reliquendum arbitrio: —*

Sectio prima.

Antequam tympani membranam consideramus, non alienum erit de ossea meatus auditorii externi parte pauca praemittere, tum quia tympanum quomodo sit collocatum quorsumque [spectet] multo clarius elucebit, tum quia meatus ille viam aperit, qua soni ad typnum ducuntur, indeque, quomodo hi in illud ferantur, dependet.

Meatus auditorius externus canalem praebet ossis temporum, qui exterius a poro acustico inchoans, oblique a tergo antrorum ac introrsum tendit, tympanoque limitatur. Latitudo ejus in limine est maxima, ultra medium partem paullatim decrescit, tunc tympano tenus pedentim agetur, ita ut, quod cingit, spatium duorum infundibulorum inaequalium, quae apicibus suis junguntur, quodammodo simile reddatur. Hic canalis in universum cylindricus vix dici potest, ab antico enim ad posticum tali modo compressus est, ut sectio transversa fere sit elliptica, ejusque diametru-

major, ab antica et superiore parte ad posticam descendat *). Quae cum ita se habeant, in hoc canali parietem anteriorem sive externum oblique descendenter, ac posteriorem sive internum, oblique ascendentem animadvertere licet; quorum ille hoc est longior, ut Trampel **) recte monuit, quocum etiam Cassebohm ***)- Bock ****) et Saunders *****) consentinunt, et Cel. Haller *****) ubi de meatu auditorio externo loquitur: „anterius et inferius” dicit „longius procurrit; posterius et superius brevius terminatur.” Hanc ob causam, quam Menke rem correcturus adjecit notam *****), nbi non ita se haec habere, sed parietem magis inferiorem a superiore longitudine superari contendit, minime probabilem esse duco. — Ceterum ad utriusque parietis, longitudinem quod attinet, discrimin haut ita exiguum est, quum auctore Trampel (l. c. pg. 14. vide not.) quin-

*) vide F. Hildebrandt Lehrbuch der Anatomie des Menschen. Tom. III. pag. 137.

**) Wie erhält man sein Gehör gut u. s. w. zte Auflage, herausgegeben von Dr. Menke. §. 6.

***) Tractatus quatuor anatomici de aure humana. §. 69.

****) Handbuch der practischen Anatomie. Band I. §. 242.

*****) The Anatomy of the human Ear etc. by J. C. Saunders. Second Edition pag. 15.

*****) Elementa physiol. corp. human. Tomus V. §. VIII.

*****) vide Trampel l. c. §. 6. not. 20,

que sextas decimas pollicis Rhenani explet partes. Infundibuli formam, supra memorataam, paries exterior unice fere conficit, quia media parte anfractu gaudet geniculato, dum interior recta fere decurrit; unde quoque sit ut postica tantum et superior tympani pars non vero antica et inferior, quae abscondita est, conspicari possit. Meatus auris humanae externus osseus infundibuliformis, si spectemus longitudinem satis amplius, eo puod plures sonos excipiat eosque in auren interiore introducat, mancam auriculae exterae magis complanatae supplet facultatem. Auriculae igitur amissio auditui non admodum nocet *); inde etiam explicari potest, cur infantes, quorum meatus osseus, ut constat, nondum est evolutus, a strepitu fortiore non aequa afficiantur, ac pro eorum sensibiliitate exspectandum esset **). Aliter res se habet cum animalibus mammiferis nostrarum regionum, quorum meatus externus osseus est angustus, tubiformis vel ita semper conformatus ut longe minorem senorum excipiat vim, quam humanus; apri contra externae quae

maxima e parte est ampla vel infundibuliformis, praecipue prospectum est, enjus igitur jactura multo facilis iis surditatem adducit, quod Autenrieth experimenta in sele acto eductus, confirmat *). Ceterum seles meatus externus osseus plane deficit quod multis cum aliis animalibus iis est commune. Autenrieth et Kerner (l. c. pag. 330) frequentibus suis inquisitionibus, omnibus herbivoris meatum esse auditorium osseum, carnivoris autem desse, probable reddiderunt. Quod, antequam mihi notum esset, ipse compiri in lupo, una enim sectura meatus auditorii externi partes molles ab osseis separaturus, illoco proxime ad tympani membranam accessi.

Membrana tympani, ut jam supra dixi, meatum auditorium externum intus terminans, parietem intergerinum auris externae et internae conficit; quare situs et directio illius in crano, spatia et directione parietum hujus constitui debet. Parietem externum s. anticum meatus auditorii, praecipue in inferiore parte, longiore esse interno s. posteriore, qui contra superiorie parte brevissimus est jam, attuli. Ideo necessario fit, ut tympani regio postica ac superior maxime extrorsum promineat, inferior vero et antica postissimum introrsum vergat, ipsumque tympanum cum pariete meatus auditorii posteriore obtusum formet an-

*) Buffon, Histoire naturelle, Tome 5ième pag. 346.
Boyer, Traité des maladies chirurgicales etc. Tome Vlième pag. 2. et J. H. v. Curtis Abhandlung über den gesunden und kranken Zustand des Ohres, übersetzt von Dr. Robbe pag. 14. vid. not.

**) Autenrieth und Kerner, Beobachtungen über die Funktion einzelner Theile des Gehörs. secus. in Reil's Archiv IX. pag. 324.

*) Autenrieth und Kerner l. c. pag. 328.

gulum, acutum cum anteriore *). Simul tympanum oblique antrorum decurrat **), ita ut axis ejus longitudinalis a postica et superiore parte anticam et inferiorem spectet ***). Hoc modo tympanum omnibus per meatus externum in ipsum incidentibus sonis planitatem praebet obliquam.

* Membranae vero tympani inclinatio horizontem versus non semper una est eademque. Inclinatio maxima apud foetus atque infantes invenitur, quorum tympanum ut Haller, Trampel et alii observarunt prorsus planum est. Utriusque tympani situm mutuum ut clare perspicere infantis mortui editi organa auditus ita praeparavi, ut utrumque os temporum juncturam suam servaret normalem, amboque tympana cum annulis suis aperte cernerentur. Hoc in casu tympanum utrinque cum horizonte angulum formabat duodeviginti graduum; amborum tympanorum in margine superiore, ubi maxime inter se distant, spatium intermedium, detracto anulo tympani, digitos efficit duos, in inferiore digitum unum lineasque quatuor, in anteriore digitum unum atque lineas novem. — Quo magis meatus externus evolvitur, eo magis tym-

pani declinatio minuitur, ita ut in osse temporum omnino evoluto angulum praebeat graduum triginta ad triginta quinque. Cum vero meatus externus introrsum spectans a directione horizontali aberret, ac oblique descendat, cumque interior parietis externi regio maximo sit inclinata, tympanum praeferit in aetate teneriore eandem fere quam meatus externus habet directionem ut Trampel *) recte mihi monuisse videtur. Aetate adulta non ita quidem res se habet, nihilo tamen secius tympanum parieti extero obversum est **), quo cum angulum viginti circiter graduum efficit ***).

Membrana tympani cavum tympani foris et infra ita claudit ut hocce (si caveam amplam, in quam transit in parte postica et superiore, cavo tympani adnumerare nolis) re vera supra membranam tympani sit positum ****). Spatium inter superiore tympani partem et faciem cavi tympanici ei respondentem, auditus ossicula, musculos, ligamenta etc., includit, spatium vero inferius plana est vacuum. Hic tympanum promontorio est aduersum. Foramen triquetrum foetus trimestris auctore Cassebohm (l. c. §. 95) tympano ex adverso aequa ab eo distans positum est, in

*) Vide Cassebohm l. c. §. 69, Dissertatio de differentia organi auditus animalium. Auctore de Willepert. pag. 6,

**) Haller. l. c. §. XI,

***) Bock l. c. pag. 302.

*) l. c. §. 6.

**) Bock l. c. pag. 302.

***) Physiologie von Prochaska pag. 136.

****) Valsalva, cit. apud Cassebohm. l. n. §. 82, Teichmeyer i elementa anthropologiae. pag. 221.

quinquemestri vero situm hunc mutat. Apud infantem recens natum foramen triquetrum ad promotorium jacens jam retrorsum vergit et in homine adulto planities illius cum tympano rectum prope constituit angulum. Hic foramen illud posteriorem cavitatis tympanicae spectat parietem, qui fenestrae ex adverso fere positam exhibet foveam subrotundam. Sonorum igitur radii haud recta a tympono in tympanum secundarium ferri queunt; verum enim radii, qui a tympano in foveam incident ab hac tanquam a tholo in centrum aliquid commune, quod huic foramini trigono responderet, rejici debere mihi videntur.

Ambitus tympani humani forma ab aliis aliter describitur. Casserius et Valsalva ovalem, Vieussens et Duverney circularem alii ellipticam esse dicunt *). Hildebrandt (l. c. p. 152) rotundam non tamen circularem, Autenrieth et Kerner (l. c. p. 341) omnino fere orbicularem, Curtius Sprengel ovalem eam habet **).

Cel. Haller (l. c. p. 200) et Lenhossék *** discrimen ab aetate pendere contendunt. Apud foetum atque infantem recens in lucem editum forma esse

offert magis rotunda, apud adultos magis ovalis. Haec tamen in universum tantum, ut etiam Haller monuit valent. Omnibus enī quae observavi tympanis auris humanae irregularem potius esse ambitum inveni, quod non tantum a processu pendet quem tympanum sursum mittit in annuli tympanici intervallum *) quemque in foetu ampliorem reperimus, quam in homine adulto, sed etiam quod ambitus non ubique pari modo sit extensus, quibus omnibus tympanum a forma ovali vel circulari magis minusve aberrare cogitur, ut nullam nobis cogitare possimus diametrum qui tympani planitiem in duas divideret partes aequales. Sed non modo in aetate verum etiam in singulis hominibus formae tympani primariae discrimen mihi positum esse videtur. Plurimum adulorum tympana, quae examini diligentiori subjeci, ni me oculi sefellerunt, forma in se differentia vidi, alia enim majoris erant longitudinis, alia minoris, alia obtuse cordiformia, aliter alia; nunquam vero ejusdem hominis alterum ab altero discrepat tympanum. Apud mammalia quoque tympanorum formae multum inter se differunt, ita ut membrana aliis in longum sit diducta, elliptica vel ovalis, aliis magis ad formam orbicularem accedens. Cel. Guvier **) animalia carnivora tympanum habere magis ellipticum quam herbivora, docet; idem-

*) Encyclopédie, ou dictionnaire raisonné des sciences, etc. par une société des gens de lettres à Neuchâtel 1765. Tome 16ième pag. 776.

**) Institutiones medicae. Tom. II. pars secund. §. 446.

***) Physiologia medicinalis. Volumb. IV. pag. 409.

*) Haller l. c. §. XI. et Hildebrandt l. c. pag. 159.

**) Vid. Autenrieth et Kerner l. c. pag. 337.

que Autenrieth et Kerner in cane observaverunt, in sole, pluribusque aliis. Tympanum mirum in modum in longum protensum apud lupum animadverti. Viri modo dicti observationem tamen Celeberrimi Cuvier, qua ruminantium tympana, si cum iis herbivororum comparaveris, sunt latiora, non in universum locum hadere invenierunt. Sic et vituli ad manus habeo tympanum, cuius longitudo maxima quinque, summa vero latitudo trium tantum et dimidiae est linearum.

Tympanum non planum est, sed, ut inter omnes constat, malleoli situ, cuius manubrium cum illo per longitudinem coalitum est, modo duplice curvatur. Cum enim manubrium inferius introrsum sit directum, inferior tympani pars illius motibus obtemperans in externa facie concava appareat, neque solum in transversum secundum insertionem manubrii, verum etiam sub hoc in longitudine; longe minor autem tympani pars superior brevi mallei processu extrorsum protruditur intusque concava appareat *). Tali modo membranae tympani pars superior, sonorum radiis per meatum auditorium externum in se illatis planitatem offert minus inclinatam, quam propter tympani situm fieri oporteret. — Verum ne peripheria quidem membranae tympani in planitie collocata est, sed su-

*) Haller l. c. §. XI. Hildebrandt l. c. pg. 139.

perius magisque adhuc inferius extrosum vergit; quod, cum meatum auditorium osseum proxime tympano a superiore parte serrata praecidere vellem, optimè conspexi, non enim alio modo hoc facere potui quin instrumento hispiam a directione perpendiculari deflectente, ipsam tympani partem inferiorem resecarem.

Tympanum membrana est tenuis, perlucida, elastica, quae a Cel. Winslow inde, ni fallor, temporibus, plurimorum anatomiae et physiologiae cultorum judicio e quatuor constat tunicis. Secundum enim eorum sententiam tympanum periosteum, cavi tympani meatusque auditorio externo prospicientis, est duplicatio, quae vero, si hanc membranam formare juvat densior, tenerior atque magis redditur elastica. Accedit adhuc ad utramque harum laminarum a meatu auditorio externo cutis epidermidisque propagmen tenerrimum, nervorumque magna copia instructum. — Hanc opinionem responentes, de minore alii tunicarum loquuntur numero, ut Doctss. Scarpa **), qui tympanum e peculiaribus constitutis membranis sibi persuasum habet. Prior tamen, quam attuli sententia eo probabilior fit, quo facilius quatuor illae tunicae se jungi possint **), quod Cel. Autenrieth conti-

*) Dissertatio de morbis quibusdam organi auditus, auctore de Wilpert pag. 9.

**) Haller l. c. pag. 201.

git *) qui utramque tympani laminam externam cutis epidermidisque meatus auditorii ext-continuationem, forma sacci coeci segregavit. — In encyclopaedia Neocomensi (Tom. XV. pag. 875.) haecce de hac re repe-riuntur. „La lame externe est une production de la peau et de l'épiderme du conditit auditif externe. On les en peut tirer ensemble comme un doigt de gant.” — Mihi saepius quoque evenit ut duas membranas a tympano separarem quarum altera num meatus externi fuerit periosteum, nec ne, contendere nolim. **Nexum** laminae tympani internae cum cavitatis tympani periosteo Cel. Casseb o h m fortuito invenit; dicit enim (l. c. §. 72. etc.); „Cum aliquando in quinque mensium foetu annulum una cum tympani membrana ab osse temporum separare tentarem: inopinato tympani membra ab annulo secedebat, ac cum cavitatis tympani membrana saccum constituebat.” — Ceterum tympanum interne a membrana pituitosa superinduci videtur, quae relicta tuba Eustachii, tympani cavum vestit **); cuius rei argumento frequens inservit tympani in affectionibus membranae fancium pituitosae sympathia. In foetu atque infante recens nato membrana crassa tympanum extrinsecus obtegit, de qua, quomodo

*) Handbuch der menschlichen Physiologie. Tom. III.
pag. 233.

**) Lenhorsék l. o. pag. 410. — Trampel l. o.
pag. 9. — Wilpert l. c. pag. 9.

oriatur, adhuc ambigitur. Maxime verisimile Cel. Ruy schi *) sententia mihi videtur qui epidermidem eam esse putat quae tamen laxa et crassa hic gaude compage; sicuti, ni fallor, in manibus pedibusque foetus invenitur, quamque facile imitari possumus, si manus aut pedes diutius in aqua tepida sapone imbu ta submersos teneamus.

Plerique tympani naturam fibrosam non conce-
duut, licet nonnulli se eam observasse adseverint;
sic Lenhossék (l. c. pag. 410.) ad virum Doctiss.
Home adlegans haecce in medium profert: „osten-
dit fibras musculares adesse, quae in Elephantedistinc-
te cernuntur. Adparent eaedem in homine quoque,
si ea tunica, desunto involucro, interne paeprimit
facie, vitro augente conspicitur. Decurrunt fibrae
eaedem a peripheria annuli ossei ad medianum tunicas
partem, qua mallei manubrium adhaeret.” Sic etiam
avium membranam tympani fibris radiatis instructam
esse contenditur **). Sprengel (l. c. §. 446.) quo-
que in tympano humano fibras adesse musculares, a
mallei manubrio originem petentes, exploratum ba-
bet. Omnia, quae acuratissimo subjici examini,
tympana, recens de auribus exenita, fibras, aperi-

*) Casseb o h m l. c. §. 77.

**) Dissertatio de differentia organi auditus animalium
Auctore de Wilperi pag. 6.

me vidisse contendam. — *Eiam nunc praeparatum ante oculos habeo, in quo vel oculo non armato fibras ex ambitu vergentes ad mallei manubrium videre licet, ita quidem, ut inferiores manubrii locum insimum convergentes petant, quae vero utrimque jacent fibrae, parallelae fere eocum servent situm.* Cum vero manubrium inter tympani laminas internas ita sit insertum *), ut a regione superiore et antica, deorsum pauloque retro infra medianam usque tympani descendat partem, cumque praeterea tympani peripheria non sit regularis omnes omnino fibrae diversa sint longitudo, ac, ut mihi persuasum habeo, ne unus quidem sit par alteri necesse est. —

Omnis fere omnium aetatum scriptores inter se consentiunt tympanum ubique clausum indeque meatum auditorium externum perfecte a cavo tympani separatum esse, ita ut neque aeri neque alii cvidam fluido aditus eo pateat; nihilominus tamen ab antiquissimis inde temporibus quidam fuerunt, qui tympano etiam in statu normali foramen tribuerent, per quod aeri tympani cavum libere adire liceret, vel saltem valvula tantummodo, quae in certum aliquem finem aperiretur, occlusum esse docerent. Quin veteres crediderunt philosophi, capras per aures spiritus ducere **).

*) Haller I. c. pag. 201.

**) vide in Haller I. c. pag. 223.

Sic Varro Archelaum nominat *), qui capras, ut nonnulli ei retulissent pastores, non naribus, sicuti reliqua animalia, sed auribus spirare, narraverat. Alcmæonem quoque huic opinioni deditum fuisse, quidam dicunt; quam vero sententiam Aristotelis his jam refutat verbis **): „Ἐστι δε κεφαλῆς μόριον, δι οὗ ἀκούει ἄπνοιν, τὸ οὖς. Ἀλκματῶν γαρ οὐκ ἀηθῆ λέγει, φάμενος ἀναπνεῖν τὰς αἰγαὶς κατὰ τα ωτα.“ Aliisque loci comparationis causa allati Alcmæonem false explicatum fuisse, docent ***). In vituli tympano aperturam quandam Glaser ****) repperisse dicit, quae ex lacuna inter tympanum ipsum ejusque annulum constaret, ex qua humores, in cavo tympani contenti foras quidem emitti possent minime vero a foris intus hoc permeare; quapropter aperturam illam necessario valvum latam esse putat.

Perforationis tympani humani conditionem rationemque plerique veterum, a Celeberrimo Haller (I. c. §. XII.) citati, tantum abest, ut clare et sufficienter exposuerint, ut potius illam tetigisse pleraque ex

*) Varro de re rustica. Libr. II. Cap. 3 recuss. in scriptor. rei rusticæ curante Gesner. Lips. 1785 pag. 260.

**) Aristotelis de animalibus histor. L. I. c. 9. pag. 21. edit. Schneider.

***) Curt Sprengel Geschichte der Medicin.

****) Haller I. c. pag. 202.

parte eo solum consilio mihi videantur, quo expeditius phaenomena, quibus commercium meatum audit: externum inter cavumque tympani existere videbatur, explicarent.

Aug. Qnirin. Rivenus primus denique aperturam, quam in tympano invenisse dicit, diligentius describit *). Aperturam, valvula aut sphincter quo-dam munitam, ad latus posterius fere supremi manubrii, prope caput mallei, sitam esse tradit. Teichmeyer his confirmat verbis (l. c. pag. 221.): „in tympano hoc, sub chorda, prope manubrium mallei existit hiatus Rivenianus. Componitur hic ex duplicatura hujus tunicae, et valvula quadam clauditur.“ Inter recentiora opera in encyclopaediae illius Neocomi editae, capite, ubi de tympano agitur (Tom. XVI. p. 776.) perforationem adesse clarissimis verbis affirmatur; ibi denique in capite, quod inscriptum est „trou de la membrane du tympan“ (p. 709.) haec occurunt verba: „C'est une fente qui se trouve à la membrane du tympan . . . , cette fente est très-pe-tite: elle porte obliquement de la partie supérieure de la membrane du tympan proche l'apophyse du mar-teau.“ —

Quinquaginta annos ab hinc hiatus Rivenianus plane oblitus esse videtur, certe ubi commemo-

ratur, prorsus eum rejiciunt, ut ex gr. Cel. Hildebrandi (l. c. p. 159.) Cel. Mayer *) et alii fecerunt. Tamen ante aliquot annos in dissertatione parva Dr. Vest, hiatum Rivenianum a professore Wittmann, anatomico praeclaro, denuo detectum esse, indicavit **). Monstraverat enim ei Pr. Wittmann praeparata quaedam organorum auditus, in quibus quum apertura perspicue discerni posset, integerrimis marginibus distincta; nullus dubitat, neruptione aliave laesione orta sit.

Hiatum quum Dr. Vest acuratissime descriperit, quumque Doctori Wittmann assentiat qui non alienus est ab opinione, aperturam illam conductoris sonorum, aëris nimirum, viam esse habeudam (l. c. p. 123.) in statu normali praesentem, ad verbum mihi asserre licet quae Dr. Vest, praeceps Wittmann, de valvulae illius formatione dixerit; „Mittels des kurzen Fortsatzes des Hammers wird das Trommelfell von seinem Spannmuskel nach einwärts, gleichsam zu einem sanften Hügel zurück gezogen. — Von diesem Hügel geht eine Falte bis zur hintern Ecke des oben unterbrochenen Paukenfellringes, und eine kürzere und breitere zur Paukeuwand hin. — Beide sind durch die Wöl-

*) Beschreibung des ganzen menschlichen Körpers von Mayer 5ter Band pag. 430.

**) Medicinische Jahrbücher des österreichischen Staats, V. Bd. 1, Stück. pag. 123 — 133.

bung gespannt und umfassen eine seichte Vertiefung. In dieser findet sich öfter eine länglich ovale Oeffnung, die in allen beobachteten Fällen allezeit die nämliche Grösse und Figur hatte. — Das weitere Ende ist gegen den genannten Fortsatz des Hammers gerichtet, das schmälere gegen die hintere Ecke des Paukenringes. Die Oeffnung ist also eigentlich verschmäler und gestreckt eyförmig und sie führt aus dem Gehörgange schief von oben herab in die Pauhenhöhle. — So fand es Wittmann in mehreren Leichen und so habe ich, es öfter gesehen. Unterdessen trifft man es sehr oft gar nicht an. Beides lässt sich sehr wohl erklären; denn ich glaube, beide Fälle des Vorkommens sind normal, und das Wort Klappe erklärt schon für sich die Einrichtung, welche sich bei dem beschriebenen Thor, für die Schallstrahlen beobachten lässt, sieht man das Trommelfell in der auf seiner Fläche senkrecht stehenden Achse an, so kann man die Oeffnung, auch wenn sie klaffend vorhanden ist, unmöglich wahrnehmen, und man wird sie nur erblicken, wenn man es von oben herab, indem man es auf seinem Ringe stehend richtet, untersucht. — Es ist aber dieses Thor in vielen Fällen gar nicht beobachtbar, weil es geschlossen ist. Der Processus manubrii scheint da zu seyn, um es durch die Wirkung des Spanners aufzumachen; so wie es durch die Action des Abspanners wieder geschlossen werden kann.

Das Thor im Trommelfell hat also die Einrich-

ung einer Klappe. Unter gewissen Umständen nähern sich die Wände beider Seiten des Spaltes, und die Ränder scheinen sich übereinander zu legen, und die Communication der Räume vor und hinter dem Trommelfell ist aufgehoben. Unter andern Verhältnissen findet das Gegentheil statt.” —

*Membrana tympani in statu normali sitne perforata, nec ne, quaestio, si cogitationes nostras respiracis physiologicas experimentaque hucusque facta, minime est vilipendenda. — Prius si re vera locum teneat, tympani perforatio artificialis felicissimum sane haberet eventum *); qua etiam de causa Professor Vest indagationem valvulae, quae a Doctore Wittmann aliquoties hians est deprensa, tanquam thema summi momenti anatomicis proposuit. Semperne adsit haec apertura naturaeque legibus sit conveniens, sin minus, quemnam ad finem ubi adsit referenda sit, inquirendum mandavit. Quae themea hocce postulat, cum, ut mea fert opinio, potissimum sensus modo sani ac observatio ira et praejudicio vacans eo opus sit, vires meas hanc impares autemans, laborem suscepit. — Hunc ad finem, sine opinionibus praejudicatis, tempore satis longo usque ad hunc diem, vi-*

* Ueber die Krankheiten des Gehörganges und des Trommelfelles vom Dr. Rauch recus. in Abhandlung aus dem Gebiete der Heilkunde etc. zu Petersburg. Erste Sammlung pag. 71.

ginti sex hominum defunctorum diversae aetatis, et quarundam bestiarum auditus organa, quanta fieri potuit attentione, observavi iisdemque experimenta feci. — Initio vir eximiae dexteritatis, amicus dilectissimus Dr. Lindgren me juvabat, posthac nostro Marte agere didicimus. Quum vero sperare non potuissem, fore ut experimentorum meorum eventui fides habeatur, omnia, quae reperi, cum praecoptore, summe venerando, intimeque colendo Professore Parrot filio, communicavi, qui quum hanc perlustraverit dissertationem, non est quod dubites, Benevole Lector, quin summa pietate ea tantum quae re vera conspexi, minime vero, quae conspexisse mihi temere persuaserim, in medium protulerim.

Inquisitiones et experimenta auctoris
ad probandam vel rejiciendam val-
vulam tympani Wittmanni.

1. Segregatis a cadavere hominis alicujus adulti ambobus temporum ossibus una cum partibus mollibus, auriculam cum cartilaginibus meatus auditorii externi amovi; unde factum est, ut minorem tanum ut quisque facile intelliget, conspicerem tympani partem. Cum vero primum hujus meatus massa ossea maxima cum cautione proxime tympano resecta atque membra sedulo abstersa essent, oculis omnia, nulla re-

impeditus perlustrare licebat. Statim in regione a Professore Vest significata, nempe illum locum versus ubi annulus tympanicus in foetu supra est intercessus foveolam duabus plicis, eamque uno eademque modo in utraque aure, limbatam animadverti. Res ut melius perspiciatur, ejusmodi praeparati imaginem quanta fieri potuit diligentia aeri incisam, in calce dissertationis adjiciendam curavi (vid. tab. I. fig. 1.) Haec figura, mensura aucta, sinistrum infantuli modo defuncti praesentat os temporum ab externa facie intuendum. Lit. A, arcum zygomaticum, qui praeparati directionem indicat; B, membranam tympani; C, locum quo annulus tympanicus supra est intercessus; D, manubrium significat mallei per membranam tympani perlucens et cum ea concretum; a, eminentiam subrotundam, cui nomen est umbo, ad quam tympanum minoris mallei processus ope, extrosum*) propellitur, denotat; b. plicam longiorem, nec ita latam, quae ab a. proficiscens, posteriorem petit annuli tympanici superius ad naturae leges intercisi an-

*) Adnotatio: falsum esse videtur, quod Dr. Vest protulit, brevem processum, adstricto tensorre efficerre, ut tympanum introrsum in colliculum quendam abeat. Evidem in omnibus, quas egi inquisitionibus nunquam colliculum illum intus reperii, natum quidem, si tensoris attrahendi periculum feci, neque minus omnia, quae legi anatomicorum opera observationi illi prorsus repugnant.

gulum; c, plicam breviorem, quidem sed latiorem, quae ad cavi tympanici parietem pergit, significat. Inter utramque hanc plicam impressionem lenem d, animadvertere licet. Nulli dubitationi mihi obnoxium videtur, quin lenis haec inter utramque plicam impressio cum illa a Dr. Wittmann descripta omnino congruat. — Primo adspectu fissuram reapse me invenisse credidi; apparebat enim nigra quaedam tenuis lineola in impressione d, juxta plicam b; verum enim cum tympanum erectum tenerem, expeditoremque soli desuper patescerem viam, stria, corpusculi alienjus, ut maxime verisimile ad internam tympani faciem siti, umbra transparens, evanuit. Nullum nunc, ne vitris quidem opticis aperturae vel rimae deprehendere potui vestigium. Omnibus, quas observavi, auribus hominum, aliorumque quorundam animalium, plicae istae erant atque impressio, modo minus modo magis prospicuae, nunquam vero licet curam operamque maximam impenderim, fissuram aliquam vel foramen parvulum reperire mihi contigit. In foetu, cum plicarum lineamenta tantummodo occurrant, aperturam deficere, eo facilius oculis discernere possumus. Ceteroquin illae plicae simplicissimo modo eo formantur, quod brevis mallei apophysis membranam tympani cum vi quadam extrorsum trudat. Si tunicam meatum auditorium externum obvientem prope illum locum extus adtrahimus, plicas, quod saepius expertus sum, adspectui prorsus se sub-

ducunt; etiam, exigua maceratione instituta tympani laminam externam supra plicas istas detrahere possumus, quae vero in remanentibus tympani lamellis multo magis in conspectum cadunt.

2. Dr. Vest quum, animadversione complurium hominum, qui aërem sanguinive ore conceptum per aures propellere possent, nisus, tympani aperturam adesse demonstrare posse sibi persuaserit, eadem et ego via hiatum, alias nondum mihi obvium factum, quaerere apud animum constitui. In osse temporum recens execto, tubae Eustachii via aperta hunc ad finem specilli ope explorata, plumulam tenerrimam foveolae d, (v. fig. 1.) in externa tympani facie sitae, admovi, aëremque per tubam Eustachii primum minore, postea sensim majore cum vi inflavi; sed ne minimus inde plumulae motus ortus est. Igitur loco plumae candelae flamnam admovi, sed pari eventu. Tum fumo Nicotianae cavum tympani, non sine intermissione, prorsus implevi, nihil tamen foras exiit. Conterebrato processu mastoideo eadem, incassum, iteravi pericula. — In plurinis, quae habeo, praeparatis jam relato egi modo, nec unquam, ni fortuito membrana tympani laesa fuerit, aërem egredi observavi.

3. Ut interiorum quoque tympani faciem contemplari possem, os petrosum ad cavum tympani usque removi, bene tamen cayens, ne situ ossiculorum au-

ditus turbato membrana laederetur. Sed hic etiam fissurae alicujus vestigium frustra quaesivi. — Ad illum locum, ubi a Wittmann fissuram inventam fuisse crediderim plumulam objeci, perque meatum auditiorum externum, adhuc integrum, aërem perflandum curavi; sed plumula ne minime quidem movebatur. — Cum, auctore Wittmann, actione tensoris tympani valvula aperiatur tympanica, continuato semper supra descripto experimento, hunc cum valsella potenter adstrinxii; nec nunc quidem motus aliquis exortus est. —

In hujuscemodi praeparatis inter incudem et membranam tympani, ab hac lineam unam circiter distantem, observavi membranulam triangularem, quae a tergo antrorum ad malleum protensa huic est affixa. Res forsitan imaginis adspectu magis elucebit. (V. fig. 2). Ibi enim os temporis sinistrum ab interior parte spectatum ostenditur, cuius os petrosum ad auditus ossicula usque, serra est praecisum. Lit. A, arcum zygomaticum; B, membranam tympani; C, incudem; D, malleum; lit. a, hujus processum spinosum s. Folii; b, membranam modo indicatam; c, tensoris tympani indigitat locum insertionis. — Ab initio, quia membranula illi respondebat tympani regioni, ubi in externa ejus facie plicae illae in conspectum cadunt, apparatus valvuliformem Doctissimi Wittmann me detexisse arbitratus sum; verum enim longius inter

membranam supra memoratam atque tympanum intervallum, ita quidem, ut illius ope in hoc nullum appetiretur foramen, huic opinioni jam contrarium erat.

Membranulam accuratius observaturus, incudem removi, ut figura 3 monstrat, quo facto statim cognovi, eam cum tympano non cohaerere, sed ab hoc parumper distantem a cavitatis tympanicae pariete postico et superiore ortum ducere. Recenter ex aure sumta rubicunda est, membranulae mucosae similis; ora inferior libere deorsum spectans torosa est; siccata superius tenuissima fit ac pellucida, margo inferior funiformis manet ac ruber, de quo quid crederem diu haesitavi. Chordam tympani esse hanc ob causam mihi persuadere non potui, tum quia in tensoris loco insertionis, ubi membrana supra dicta adhaeret, finiri videtur, tum quia partis hujusce funiformis insertio nem saepius infra tensoris insertionem reperi, quod, ut Cassebohm (l. c. p. 71) affirmat in chordam tympani nunquam cadit. Verum enim mox filum in fissuram Glaseri continuatum deprehendi, res, in neonatis praecipue per quam difficilis. Inde sine dubio colligeré licet, crassiorē istum limbum tympani esse chordam, quae a membrana illa, quae membranae cavi tympanici est plica, tanquam a vagina circumdatur. Haec membrana, plane congruens cum ea, quam Haller (l. c. p. 211.) ligamentum mallei posteriori vocat, ad malleum sigendum idem in postico,

quod in antico processus spinosus, efficere videtur, utraque enim pars cum malleo conjuncta prope ad figuram crucis accedit, (v. fig. 3.) cuius crura lateralia cum extremitate libera ita, ut rotari possint connexa sunt; hoc modo malleus munere fungitur rectis primi ordinis, qui circa axim suam transversalem circumagiuntur et istius ligamenti elastici ope in suis vibrationibus fortiter adjuvatur. Simil haec tunica incudis cruri longo, quocum cohaeret, tanquam fulerum elasticum inservit, impeditque, quo minus propius ad tympanum accedat.

4) Ut internam tympani faciem eo loco diligentius investigarem, ubi externe plicae reperiuntur supra memoratae, a malleo membranam illam dissolvit, quam replicans intra illam atque tympanum (v. fig. 4. lit. b.) aliam conspexi membranulam (lit. c.) pariter triangularem, proxime tympano, in extremo inter annulum tympanicum malleumque recessu. Aliam prorsus habet indolem, quam membrana modo nominata; recens enim, uti tympanum ipsum pergamenae similis videtur; margo ejus superior cum tympany ora cohaeret, anterior ad latus collo mallei est applicatus, inferior libere dependet. Seta adhibita inter membranulam atque membranam tympani ad superiore partem penetrare, nihil est, quod impedit, verum tamen spatiū illud sine cocco terminatur; in tympani facie externa setam tunc ad foveam d. Fig. 1. perlucem con-

spicies. Ubi tensor tympani adtrahitur, membranula a tympano recedit, ubi vero remittitur, huic rursus adclinatur. — Cultelli cuspis spatio supra dicto immissa, tympanum leviter secans, hiatum sistit in foveola d, ad plicam b, (Fig. 1.) versus. Per hunc hiatum ab externa parte oblique declinantes inter tympanum ac membranulam in cavum tympani (specillo) penetrare possumus. Tunc etiam haec membranula desuper lateri tympani interno se applicans rimam cultello effectam tanquam valvula occludit, intenso vero tensore meatus aperitur. — Membrana haec valvuliformis nihil aliud est, nisi plica periosteī cayum tympani obducentis in longum deductā, quae a periosteō, antequam in tympani laminam internam abit, demittitur, quod ipse perspicue vidi. Figura 5. rem clariorem reddat. Offert enim, absque respectu ossiculorum auditus, sectionem perpendicularē per crassitatem posterioris tympani partis perque plicam supra memoratam ita factum, ut inter manubrium mallei incudisque processum longiore procedat. Lit. a, cavi tympanici periosteum in superiore parietis ejus parte; b, plicam nominatam a periosteō descendentem; c, locum exhibet, ubi periosteum deorsum flectens laminam format tympani interiore d, d; in loco e, iterum in periosteum abit. Lit. f. f. periosteum meatus auditorii externi significant, quod ad g, g, se replicans tympanum lamina induit; h, plicam offert tympani longiore posteriorem.

Mallei collum, quia cum tympano non est concretum, agente tensore a tympano decedat, simulque cum eo plica trigona, quia ei adhaeret, necesse est. — In omnibus preparatis meis hanc plicam, in aliis magis in aliis minus demissam, nunquam frustra quaesivi. Ut mea fert opinio, haec plica eadem est, quam Wittmann, ratione hiatu tympani ab eo observati, valvulae tympani nomine insignit. —

5. Haec valvula utrum claudat re vera aperturam quandam, nec ne, probe exploraturus, rem sic tractavi: fundam a plicae illius cum tympano contactu comparatam, tensorem tympani attrahendo aperui, plumulamque ejus osculo admovi, quo facto per meatum auditorium externum aërem inflare jussi. Plumula licet tenerrima ne minimam quidem expetta est motum. Experimentum modo contrario feci: in fundam hanc aperiam tubulo quodam injecto, plumulam ad externam tympani collocavi superficiem; sed ne sic quidem ullum pennulae motum animadverti.

Ex omnibus quae feci experimenta in auribus ame observatis (earum quidem viginti sex humanas unice ad explorandam tympani indolem dissecui atque perlustravi) nullum hiatum adsuisse satis superque elucidere credo. Certe omnia impedimenta, quae ut Dr. Vest judicat obstant, quominus apertura illa investigari possit, removi. — Ita Vest (l. c. p. 150) cogitatione nostram attendit ad membranam mollem

mucosam quae tympani latus internum obtegens, vita exstincta, tympano siccata adhaereat eoque modo forsitan valvulam occlusam abscondere valeat; hanc ob rem tegumentum hocce mucosum (quod Dr. Rauch l. c. p. 131 mutatum aurium esse credit cerumen) cautissime semper removi, quin etiam tympani lamellam externam frustra tamen detraxi. Etiam ex sententia ejusdem auctoris margines, si valvula in ipso mortis momento occlusa fuerit, ita conglutinantur, ut ubi sint plane discerni nequeat; aut, si in vivo tensoris tympani actione valvula aperta fuerit, nihilo secius tamen mortui propter muscularum relaxationem margines valvulae collabuntur. Utramque conditionem si respicimus valvulae margines, tensoris tympani intentione, in diversas partes distrahi posse debere credo. Quod cur mihi ne semel quidem contingere licuit, praesertim cum tensoris attractione plica valvuliformis (vid. fig. 4 lit. c.) semper manifesto a tympano se amoveret, plane alio modo non perspicio nisi quod ex toto desit quaecunque tympani perforatio.

Ponamus non multum meis experimentis tribuendum esse, tamen eo majorem fidem iis tribuendam esse censeo, quae a pluribus anatomicis iisdemque experientissimis eodem consilio facta sunt. Cassabohm ex. gr. de hiatu Riviniano (l. c. p. 33) haecce dicit: „nunquam hoc foramen observavi, licet in multis cadaveribus ad illud detegendum omnem impende-

rim operam.“ — Mirandum est, nostris ipsis temporibus, quibus subtilior anatomiae indagatio, praecipue organorum auditus tot tantaque debet, nunquam sermonem factam esse de tympani perforatione normali, ita ut de nostris idem, quod de sui aevi anatomicis virsummae scientiae Haller (l. c. p. 204) profert, valeat: „rejecerunt inventum, fere eo firmius, quo quisque erat peritior, negaruntque ejusmodi foramen aut in fetu reperiri, aut in adulto homine.“

Vix credibile est omnibus illis viris talem aperturam se subducere potuisse, uti Vest contendere velit.

Tympana vero ubi, hiatum in speciem regulariter formatum invenerunt multo rariora sunt, quam ubi hiatum frustra quaesiverunt. Hisce jam quam clarrisime demonstratur ejusmodi fissuram tympano ad normam constructu minime esse necessariam. — At qui complures eam in uno eodemque semper invenerunt loco, ac Wittmann eodem semper ambitu, una eademque forma atque partibus circumdatam. Inde quaeritur, utrum hic hiatus tamen forte ortus sit, an ad aëris externi transitum destinatus fuerit.

Talem viam ad transmittendum aërem, in tympano adesse, hanc ob causam naturae haud convenire mihi videtur, quoniam alio apparatu, tuba nempe Eustachii utitur per quam aër, fortasse mutatus, in cavum tympanicum pervenit; puapropter animalia ut serpentes, quorum auri tympanum defi-

cit, tuba etiam Eustachii carent^{*)}). Etiam inter omnes constat, ubi haec tuba obturata est, surditatem oriri, cui nisi illius canalis via denuo aperta, vel tympano artificiose perforato ^{**)}, vel conterebrato processu mastoidico ^{***)}) quo aëri in caveam tympani aditus patet; mederi non possumus. Quodsi tympani munus esset certis casibus aëri liberam in cavum tympani patesciendi viam, non nascerentur tum incommoda quae saepe, ex aëre per fissuram casu fortuito enatam irruente observata sunt. Saepe enim aër, in cavum tympani influxus, mox surditatem, sensim per se evanescentem, mox dolorifica atque periculosa mala adducit. ^{****)}

Unde veniat, ut Wittmann semper certo eodemque loco aperturam invenerit, decernere non audeo; id tamen constare puto, regionem illam in primis, propter tympani situm a foris, dannis obnoxiam esse; neque minus aëris impetui cum vi quadam per tubam Eustachii in cavum tympani irruenti, propter hujus tubae directionem praecipue expositam esse, praescritum quum sit concava, ideoque minus ei resi-

^{*)} A. Scarpa anatomische Untersuchung des Gehörs und Geruches, pag. 100.

^{**) Astley Cooper, Saunder l. c. pag. 82—87.}

^{***)} J. Arnemann, Beimerkungen über die Durchborung des Processus mastoideus, pag. 56. Prochaska Physiologie, pag. 137.

^{****)} Die Krankheiten des Ohres und Gehöres, von Dr. L. Meiner, pag. 98 et 103.

tere queat. Ultimum hocce experimentum rupturam efficere posse, Lenhossék (l. c. p. 225) ex observatione Celeberrimi Duverney testatur. Vero simulatque ruptura in fovea d, fig. 1. crita est, plicae b. et c., atque umbo a. quominus magis dilatetur impediunt, quare ruptura semper aequalibus finibus circumscripta sit necesse est.

Ad phaenomena quod attinet, quibus Vest (pag. 127) valvulam in tympani statu normali adesse probare velit, parvum mihi ad rem firmandam conserre videntur.

Huc sibilus pertinet, quem, ut Dr. Vest opinatur, quivis sere aërem per tubam Eustachii in cavum tympani inmittens, audire possit. Hoc enim, licet nulla adsit fissura tympani, facile alio modo explicari posse credo. Tympani enim cavum haud vacuum est, sed complures continet particulas, inter quas angustiora occurrunt intervalla; nam tensor tympani inter duas lamellas plicae alicujus semilunaris membranaceae situs est, plicae hujus marginem concavum et liberum a membrana tympani angusta sejungit via, quam aër, si in tympanum vehementer irruit, transmeare coactus facile sibilum fundit. Ne id quidem, quod in experimentis nonnullis flatus lenis ex auro externa obvii levius alicujus corpusculi ut flammulae motu se indicet, hunc flatum ex cavo tympani proficiaci satis probat. Aër enim, si ab intimo ore ad membranam tympani propellitur, hanc extrosum premat

subitoque complanet necesse est. Inde aér in meatu auditorio externo condensatus majore vi elastica ex auro protrudiur, unde aëris oriatur motus ad commovenda teneriora corpuscula satis idoneus. Experimentum, quod cel. I tard, ad investigandam veritatem, tuba Eustachii: sitne meabilis, nec ne, institendum suadet *) tanquam firmissimo hujus rei argumento uti possumus. Aegrotum enim caput in latus sanum inclinare, alteriusque lateris meatu auditorio externo aqua replete, spiritibus altioribus ductis os claudere naresque manibus comprimere; dein quoad fieri potest altius exhalare jubet; si tuba Eustachii patet, aërem cum vi quadam in tympanum irruere ex aqua in aure contentæ motione quam clarissime perspicere potest.

Facultatem vero singularem, qua homines quidam praediti sunt, aërem nempe sumumque Nicotianae ore receptum pro arbitrio per aurem expellendi, nullo alio modo explicari posse, nisi tympani adesse aperturam putamus. Ubi hoc phaenomenon animadvertisit, rima adsit libere patens oportet, saltem valvula, quamle Wittmann describit, rem minime explicat; nam inmissio per tubam Eustachii in tympanum aëre; valvula (vid. fig. 4. lit. c.) huic incumberet, biatumque occluderet. Non magis intelligo, quomodo Vest (l. c. pag. 126) sibi persuadere potuerit, aëris

*) Vid. Meiner l. c. pag. 125.

impulso sensim vis tensoris superari, laxatoris vero tympani actionem juvari, ita ut valvula aperiatur; licet ipse dixerit (p. 125), valvulam tensore tympani pates fieri, laxatore contra agente claudi.

Ex eo, quod phaenomena supra memorata sine aegrotatione organorum auditus satis manifesta inviantur, quibus Pr. Vest nititur, tympani aperturam esse normalem, minime probatur; morbis videlicet antecedentibus orta esse potest. Multae enim causae cognitae atque occultae tympani laesionem afferre possunt. Quam frequentem in infantibus scrophuloisis animadvertisimus otorrhoeam membranae tympani facile nocivam? Sic nonnunquam haec membrana partim attenuari ac resolvi fertur, ut perforatio pedetentim nascatur^{*)}; idemque, ut Ribe refert^{**)}, saepissime, in primis apud senes, cerumine aurium cumulato, spissiore, durioreque reddito sensim foramen efficitur. Inde haud sequitur his in casibus audiendi facultatem semper eximie esse labefactatam. Experientia enim satis evictum, exiguis tympani rupturis lenissimam tantum, saepius nullam oriri auditus hebetudinem^{***}). Exstant quoque exempla, ubi tympani laesio non ita levior, quin etiam ejus amissio surditatem minime attut-

terunt^{*)}). Alias et minutissima tympani auditum habetant foramina, potissimum cum suppuratio simul adit tympani verisimiliter relaxationem adducens, quae, ut observationes Dr. Rauch (l. c. p. 183) docent, auditui infestissima esse videtur.

Omnibus hisce argumentis praemissis extra omnem dubitationem positum esse credo, hiatum membranae tympani a Prof. Wittmann, aptehac a Riveno aliisque inventum, ex fortuita laesione ortam esse, tympanumque ipsum in statu normali hunc etiam ad finem adesse, ut aditum ad tympani cayum prorsus secludat.

^{*)} Vid. Trampel l. c. pag. 100. not. — Grundriss der Physiologie, von F. Magendie. Thl. I. pag. 102. — Buffon l. c. pag. 346.

^{**) Meiner l. c. pag. 100.}

^{**)} Traité des maladies chirurgicales etc., par B. Boyer. Tom. VI. pag. 35.

^{***)} Haller l. c. pag. 28. — Boyer l. c. pag. 36. — Meiner. l. c. pag. 98. Rudolphi Grundriss der Physiologie Bd. 2. pag. 144.

Sectio secunda.

Nullo modo ad hunc solummodo finem membrana tympani constituta esse potest, ut cavum tympani a foris occludat atque ita aërem externum, pulverem, aliasque res noxias ab eo coercent, haec quominus credamus tum singulare, ut cel. Haller dicit (l. c. pag. 281) artificium hujus non alteri similis membranae, tum ejus in tot animalibus constantia, neque minus ossiculorum cum ea nexus, propriique, qui ea ossicula regunt, musculi impediunt. Sed potius in auditum ipsum tympanum vim suam exerceat necesse est. Quales partes habeat tympanum hoc respectu ab aliis alio modo declaratur. Etenim quidam tympanum organum auditui prorsus necessarium habent, ut cel. Teichmeyer (l. c. p. 225), cuius sententiae etiam Pfungsten addictus est *), quia in instituto

*) Bemerkungen und Beobachtungen über Gehör, Gefühl und Taubheit. pag. 223.

euo multos observavit alumnos surditate laborantes, cuius nulla alia causa nisi membranae tympani defectio investigari poterat. Sententiam suam etiam periculo artificiosae perforationis, saepe frustra facto confirmationem arbitratur, quam operationem igitur prorsus rejicit. Pfungsten, cavum tympani cum tympano militari justo strictius comparans, cuius tonus ubi ratione magnitudinis foramen satis amplum in pellicula fecerimus, omnino evanescit, etiam membranac tympani perforatione surditatem necessario effici putat; praesertim quum membrana tympani prorsus amoveatur. Alii contra non multum tribuunt tympano, ut Sachs *) qui membranam tympani organi auditui dicati partem minimi momenti habet.

Quo melius vim, quam tympanum in auditum exerceat perspiciamus necesse erit ut in auditum inquiramus utrum sine membrana tympani locum habere possit, ideoque utrum in omnium animalium quae audire constat, auribus tympanum adsit, nec ne.

Infimae animalium classes habentne auditus organa ignoramus. Insecta vero audire posse multis experimentis evictum est; apud plerosque eorum auditus organa monstrata sunt, quae a quibusdam ut maxime

*) Grundlinien zu einem natürlichen dynamischen System der praktischen Medizin. Thl. I. — Recens. in „Allgemeinen medizinischen Annalen des 19ten Jahrhunderts, von Pierer und Choulant.“ 1824. 2tes Heft. Februar.

composita describuntur. Sic omnes insectorum ordinē, ut ex descriptione Comparetti elucet, auditus organis praediti sunt magis compositis, quam pisces et amphibia. Namque organa haec ex sacculo quodam parvo cum canalibus curvatis pellucidis constare dicuntur, cui etiam meatus auditorius externus membrana quadam oclusus additus est. Clar. Weber, qui hanc observationem retulit *), num vera sit dubitat, nimiamque leviter eam institutam ac descriptam esse putat neque etiam cum clarissimorum anatomorum observationibus convenire dicit. Contra Pohl omnia ficta esse contendit **). Nuperrime vero cel. Treviranus in capite blattae orientalis, ut Weber attulit (l. c. pag. 5), cuius auditus organa diligenter descriptsit, inter oculos atque antennas utrobius foramen invenit parvum alba tunica obductum, quae tenuis fuit densa tamen, vi elastica praedita, media parte ratione tympani humani concava. Quae tunica fini obtuso nervi processus imposita est. Treviranus eam membranam tympanum esse dicit. In cancro, quem clar. Scarpa, insectorum quasi personam agentem observavit sub antennis continuo auditus organa specie exiguae papillae osscae, inveniuntur, in cuius parte externa foramen rotundum perspi-

*) De aure et auditu hominis et animalium auctore Weber. Pars prima, pag. 4.

**) Expositio generalis anatomica organi auditus. auctore Pohl, pag. 5.

citur tunica elastica obductum, quam plerique membranum tympani esse putant *). Clar. Scarpa tamen hanc membranam non esse membranam tympani demonstravit, (non talem igitur membranam, quae auris cayum aëre repletum claudens, vibrationibus suis sonum, tum per aërem, tum per ossiculum cum ea connexum, in aurem interiorum progredi cogit,) membranam illam fenestrae vestibuli membranam appellat **). A tergo enim hujus membranae in cavo papillae osseae tubulum quendam membranaceum esse dicit, qui aquam claram et nervi auditus substantiam, pulvi similem, continet. Inde Scarpa sonum hujus membranae vibratione immediate usque ad nervum auditus progredi atque ita auditus sensum effici posse concludit. Itaque tubulus membranaceus ex sententia Clar. Scarpa e vestibulum quodammodo suppetit; foramen vero papillae osseae fenestrae vestibuli respondeat, membrana autem foramen claudens loco stapedis constituta sit necesse est; igitur membranae tympani vice fungi non potest. In cancri organo auditus simplice prima, ut Clar. Scarpa docet, invenimus lineamenta auris interni animalium magis perfectorum. Organum auditus piscium ex opinione Clar. Scarpa e, cum cancerorum organo om-

*) A. Scarpa's anatomische Untersuchungen des Gehörs und Geruchs, pag. 4.

**) l. c. pag. eadem.

nino est conforme, qui tamen non solum vestibulo sed etiam canalibus semicircularibus praediti sunt. Etiam his, ut Clar. Scarpa aliique demonstrarunt, membrana tympani deest. Nuperime tamen Clar. Weber *) vesicam natatoriam in piscibus membranae tympani vice fungi statuit. Namque, ut docet, vesica natatoria cum organis auditui dicatis ossiculorum ope est connexa, quia apud nonnulla eorum genera apex ossiculi cujusdam, quod mallei nomine insinuit, cum vesica natatoria immediate conjuncta est; aut apud alia genera conjunctio membranacea processu vesicae natatoriae efficitur, quae huic fini inservit, ut vestibulum intendat atque remittat. Namque pars postica vesicae quum muscularibus fibris contrahatur, aér, qui in ea continetur, antrorum propulsus malleum et per hunc auditus organa agitat; aut vibratio- nes aquae ubique circumfusae vesicae natatoriae ope ossicula afficiunt, a quibus in aurem interiorem inducuntur. Sed haec diligentiore fortasse indigerent ad- huc comparatione atque examine. Serpentium organa auditus, ex opinione Clar. Scarpa (l. c. pag. 43) organis piscium prorsus sunt similia, nisi quod loco membranae ossiculum quoddam fenestram vestibuli, ut stapes occludat. Membrana tympani apud Caeci- liam primum reperitur **). Cujus tympano proces-

*) l. c. vide „Allgemeine medizinische Annalen des 19ten Jahrhunderts.“ 1821, Heft VI, Junius.

**) Vide Scarpa l. c. pag. 45.

sum cartilagineum ossiculi, et apidis vices impletis, ercte adhaerere dicit. Ibique etiam cavitas aëre completa et tuba Eustachii occurrit. Omnia fere am- phibia pedibus reptantia auditus organa pari modo comparata possidere dicuntur. *)

Inde ab his animalibus apud omnes bestias tym- panum invenimus. Apud aves cochlea formari inci- pit; quadrupedum organa auditus plus minusve cum organis hominum fere sunt congruentia.

Quoniam animalia, quorum auditus organa ex vestibulo tantum aut ex hoc et canalibus semicircula-ribus atque nervo auditorio constituantur, etiam audi- dire possunt et quoniam vestibulum et canales semi- circulares eodem sece typo formata apud omnia ani- malia usque ad hominem inveniuntur, Scarpa inde concludit (l. c. p. 102) has partes ad audiendum utique necessarias esse. Et re vera animalibus inferioris or- dinis hae partes ut sono tantummodo afficiantur suffi- cere videntur. **) Apud animalia magis perfecta, qui- bus ad incitandam animi vitam maxime diversis opus erat pulsibus externis, formatio magis est composita, cuius summam perfectionem in hominis aure admira-

*) Scarpa l. c. p. 103.

**) Adnotatio: Homines etiam, ut ex usu novimus membranae tympani ossiculorumque laesione non omnino auditu destituuntur, modo stapes in statu suo permaneat. (Vide Rudolphi l. c. pag. 144). Ibi auditus organum ad simplicem quoddammodo formationem est revocatum.

mur, qua non solum ad percipiendum sonum in universum sed etiam robur ejus, tenorem et concentum dijudicandum idonei reddimur. *)

Quum igitur tympanum secundum cochleam hujuscemodi sit organon, perfectioribus tantum animalibus tributum, „ad liquidius audiendum“ ut Scarpa dicit (l. c. p. 99) adsit necesse est, si, ut supra vidi-
mus, auditui non omnino necessario inserviat.

Est enim tympanum, ut Willis arbitratur **) tanquam instrumentum habendum quo soni mutatione quadam organis auris interni adaptentur ***) . Sed qua ratione tympanum sonos mutat, quibusnam in rebus haec mutatio consistit?

Hanc quaestionem extra omnem dubitationem ponere nimis difficile, mihiique minime fortasse solven-
da; propius tamen ad veritatem adcessuros esse mihi persuasum habeo qui in observationes circa phaeno-
mena ex sonoris vibrationibus in corpore quocunque elastico prodeuntia inquirunt, atque in membranam tympani transferunt. Hanc viam quamquam ab aliis jam pridem ingressam, et ego, ut demonstrem, mihi

*) Curtii Sprengel institut. physiol. pars. 2. pag.
395.

**) Vide encyclopaedie Neocomensis tom. XVI. pag.
776.

***) Derham vide encycl. Neoc. tom. XV. pag.
876.

quomodo res appareat ingredi conaturus sum neutram tamen me in hac opusculi mei parte novi aliquid gravioris momenti dixisse simulans; cuilibet enim facile elucebit, me alienas ideas, mea sententia tantum mutatas in rem meam convertisse. *

Si clara voce certum aliquem tonum in instru-
mentum aliquod, ut clavichordium intro clamitemus omnes chordae vibrantur, quod ex obscurō strepitu inde proveniente colligimus; sed una tantum chorda tonum ei proprium clare et distincte fundit, eundemque cum sono, qui chordae vibrationem efficiebat ad harmoniam quod adtinet, congruentem. Similatque tonos mutemus eae semper clare tantum resonabunt chordae, quae ratione longitudinis, intensionis et vi-
brationum numeri, quas in certo temporis spatio red-
dant, cum iis, qui eas affecerant, sonis concordant. *)
Clar. Haller qui (l. c. 275) fusius phaenomenon hoc explicavit, putat enim, in experimento illo non unam, sed plures chordas simul resonare, illas nempe (si recte quod dixit intelligo) quarum toni cum tonis primariis secundum harmoniae leges cognatae sint.
Haec ut percipiamus acriore fortasse auditu praeditos esse debemus; mihi saltē nūquā contigit, ut plu-
res chordas clare resonare audierim. Vibrations vero aëris certo cuidam sono respondentes etiam alio-
rum corporum, ut tabularum vitrearum sonos cum iis

*) Haller l. c. pag. 275.

consonos, cicer possunt. Sic certis organi pneumatici sonis personantibus certus saepe orbis vitreus fenestrae vel omnis fenestra resonat.^{*)} Etiam hoc notum est experimentum quod nonnulli efficere queunt, qui vasis vitrei tonum tanta vi intro clamiteut, ut vas inde dirumpatur, quod alio sono licet fortior sit, effici nequit. — Sed in tabula vitrea a sono quodam percussa, certe tantum partes, quarum vibrationes cum iis emissi soni sunt consonae, resonare videntur. Argumento nobis figurae illae Cel. Chladni esse possunt, quae ratione soni, ductu plectri pluribus locis eliciti, diversae sunt. Verisimile est, ut, si soni illi extra tabulam vitream satis magna cum vi aliquo modo cicerentur, vibrationibus aeris sonis illis respondentibus, eadem in tabula efficerentur figurae. — Phænomenon resonantiae singularium partium tabulae aliquujus, si soni cum iis consoni vim suam in eas exercant, praecipue in tabula resonante omnium instrumentorum, quae chordis praedita sunt, perspicuum est. Haec lamina, ut constat in eis omnes, est lamina ligata, spatio vacuo caveae imposita, aliquantulum a chordis distans. In Lamina hac fibrae parallelae conspicuae sunt, propter formam tabulae resonantis; vel propter jugum obliquum diversae longitudinis. Quisque igitur sonus qui ab instrumenti chordis funditur

^{*)} Traité de physique. par. Biot Tome second, pag. 185

unam pluresve reperiet fibras ei respondentes, quae cum eo congruunt, atque concordantes simul vibrationes cieunt.^{**) Haece fibrae quo magis sunt siccae, vi elastica praeditae, sonorae, mobiles, aequales, eo purior et melior hujus instrumenti tonus erit.^{***)} Quamquam igitur hae fibrae substantia intermedia inter se connexae sint, tamen singulae per se resonant, unaquaque certo quodam tono^{****}). Satis mibi haec Cel. Parrot pater, experimento ab eo facto probasse videtur, quod in libro supra memorato (p. 285) his verbis descriptis: „En touchant la table de résonance avec le doigt à un certain point, le son d'une certaine note se trouvoit affoibli d'une manière très sensible, mais pas celui d'autres notes, que l'on affoiblisoit à leur tour en touchant cette table à d'autres points.“}

Igitur fibrae laminae resonantis eodem modo se habent ut chordae libere vibrantes, ideoque sonorum iis respondentium vi (licet non a chordis supra eas positis efficiatur) sic vibrent necesse est, ut sonos illos concordanter repeatant.

Si nunc tympanum respicimus eadem de eo, quod de lamina resonante diximus, dici posse credo. Etiam tympanum est lamina, vi elastica praedita, quae ca-

^{*)} Entretiens sur la physique par G. F. Parrot. Tome second, pag. 284.

^{**) Biot l. c. pag. 183 et 184.}

^{***)} Parrot l. c. pag. 313.

vum aëre repletum claudit et libere vibrare potest.
Clariss. Autenrieth tympanum quodammodo multas diversae magnitudinis chordas comprehendere putat.*). Quod si fibrosam tympani fabricam, ut supra memoravi, re vera reperitur, etiam chordas ut in laminæ resonantis descriptione fecimus, monstrare possumus. Fibras diversae magnitudinis esse debere, jam dixi, quum mallei manubrium in membrana tympani eodem fere, quod jugum in lamina illa finguatur munere. — Quod si igitur tono alicui aëris vibrationes respondentes, aliisve medii (ut ita dicam), in tympanum incident totum quidem tympanum vibratur, perinde ac omnes vibrantur chordæ si in clavichordium intro clamitemus, sed illæ tantum fibrae quæ ratione longitudinis et intensionis similes vibrationes cieant, clare resonabunt, eundemque tonum concordanter repetent, qui tum in aurem internam prodictur, simili fere ratione, ut nonnulli totum tympanum in singulis tonis agere credunt**). — Itaque fibrae breviores tonis acuis, longiores gravibus respondebunt. Hujus rei veritatem experimenta magni momenti in diversis animalibus a Cœl. Autenrieth et Kerner facta probant***). Ex his enim conspicuum

*^o) vide Reil's Archiv.

**) vide Halleri I. c. pag. 283. Encyclopédie cit. Tome seizième pag. 776.

***) I. c. pag. 237 — 341.

est, animalia tympano magis elliptico praedita, (quorum igitur fibrae nonnullæ si cum aliis comparaveris, sunt breviores, ideoque cum sonis acutis magis congruentes) maxime ad sonos acutos percipiendum idonea esse, hosque solos satis discernere posse, a sonis vero gravioribus omnino fere non affici; animalia vero tympano magis circulari praedita et sonos graviores bene percipere posse. Sic canes, quorum tympanum, ut scimus, magis ellipticum est, sonos graviores plurim instrumentorum tantum non sentiebant, licet satis essent fortes; tonos vero acutos tetrachordi vel campanulae ulutantes et tremebundi fugiebant. Et ego canem meum observavi, qui simulatque sonos acutos tibiae, licet non fortiter, inflare coepi, miserandum in modum ululabat. — **Clar.** Autenrieth et Kerner suem, cuius tympanum fere est circulare, in sonos acutos aequo atque in graves attentum fuisse reperierunt. Agni sonis gravioribus angebantur, acutis quieti permanebant, tamen ad sonos bene attendere videbantur.

Si vero in lamina resonante fibrae eodem modo semper sint intensæ, hoc aliter se habet in tympano, quod licet semper, ut constat, cerrum servet gradum tensionis,*^o) haec tamen vel majus vel minus, mihi que ut videtur etiam per partes, musculorum mallei

*^o) Rudolphii I. c. pag. 144. not. 2.

actione augeri potest. Actione tensoris sine dubio totum tympanum intenditur, praeceps vero illae ejus partes quae marginem illius inter utramque manubrii mallei partem lateralem positae sunt.^{*)} Musculus mallei externus s. anterius, qui in processum spinosum inseritur, malleum extrorsum trahit;^{**) ideoque intensio partis tympani ante manubrium sitae minui, partis vero retro manubrium positae augeri deberet. Laxator tympani denique, si re vera adest, tympanum extrorsum simul vero superius trahere dicitur;^{***)} tunc sub ejus contractione, nisi fallor, superior tympani pars magis quidem remissa, inferior nihilominus tamen magis tensa esse oporteret; quum musculus manubrio adhaereat. Omnium vero horum muscularum actio, ut Clar. Haller (l. c. p. 281), Lenbossek (l. c. p. 450) pluresque alii suspicantur, arbitrio quoddammodo est obnoxia.}

Quoniam certo gradu tensa tantummodo chorda melius resonet, etiam in organo auditus, si animum ad certum aliquem tonum attendere velimus, tympanum tendatur necesse esse videtur,^{****)} idque plerumque per

^{*)} Autenrieth und Kerner l. c. p. 336.

^{**) Hildebrandt l. c. pag. 151.}

^{***) Hildebrandt ibidem.}

^{****) Haller l. c. pag. 282. Encyclopédie e. Tome XVIème pag. 776.}

partes tantum, si sententia mea de actione musculorum in tympanum vera est; ea nimur pars tympani, ubi fibrae, cum tono quem audire cupimus consonae, occurunt; dum pars opposita, ut supra demonstrare periculum feci, quodammodo remittatur atque ita ad propagandum sonum iecpta reddatur. Quod eum in finem institutum esse videtur, ut clariorem percipiamus sonum, qui tali modo aliis sonis minus confusus auri internae adduceretur. Idem commodum est, quod sonum chordæ clavichordii adlinet, in experimento supra allato, locum habet, si strepitum, ceterarum chordarum remissione, prohiberemus. — Radii sonori vero per meatum auditorium externum in tympanum irruentes cuncta vi incidunt in regionem tympani posticam superiorem, quae, ut vidimus, maxime extrorsum prominet. Quibus rebus hunc locum tanta vi, ut opinor, vibrare necesse est, ut tandem non satis clare tonus perciperetur, nisi fortasse membranula valvulae similis (vide fig. 4. lit. c.) tanquam soni temperamentum vibrationum nimiam vim irritam faceret, dum ibi loci ad interiorem tympani faciem adplicetur. Si vero fibras hujus loci libere vibrare oporteret, tum hoc soni temperamentum fortasse tensoris actione amoveri possit.

Si experimentum illud introclamandi in clavichordium instituimus, tonus, quem chorda ei respondens concorditer reddit, omnino ei, qui cum efficerat, ut jam dixi, similis est, aequo clarus et

perspicuus, dulcis tamen et lenissimus. Musici in instrumentis chordis praeditis arcu tales sonos producere sciunt, quod a nemine melius factum audiri quam a Bernhardo Romberg. Primum enim tetrachordo gravi minoris modi (Violoncello) cantum aliquem canebat clare atque potenter, tum eundem cantum interjecto quodam temporis spatio dulce et lene repetebat; quod musici echo vocant. Meo quidem sensu non efficitur, ut musicam e longinquo ad aures nostras pervenire nobis persuadeamus, nam idem est cantus perinde clarus et justus, sed prioris cantus quasi pictura pusilla. Quisquis hanc echum audivit fatebitur eam jucundam et gratissimam auditui esse. — Pari modo mutatos etiam tympanum omnes sonos in ipsum incidentes, ceterum omnibus proprietatibus suis servatis nervo auditorio adducere credo; ut etiam media quae radios in oculi bulbo frangunt, rerum exteriorum picturam tantum minutam in retinam incidere sinunt. Evidem mihi persuasum habeo sonum per tympani membranam non augeri, ut multi credunt, sed potius ab eo temperari tenerioremque reddi; quam opinionem etiam in encyclopaedia neocomensi (Tom. XVI. p. 776.) propositam inveni. Omnino enim formatio humani auditus organi augeando nequitquam inservire videtur, sed potius ut clarius eum percipiamus *). — Etiam hominis auricula,

si conformatio ejus in aliis aliter comparatam re-spicimus, in modum tubi acustici ad sonos colligendos et in meatum auditorium in unum conferendos non apta videtur *), sed ex opinione Clar. Lenhossek (l. c. pag. 449.) propter molle velamentum ad temperandos magis sonos est idonea. — Si porro etiam hac lege catena ossiculorum auditus comparata esset, ut in modum corporum solidorum sonum augeret, hoc multo melius efficerent, si continuum quoddam constituerent, contra nexus eorum solitus magis idoneus videtur, quae motum a tympano in ossicula progradientem imminuant **). — Sic tubae Eustachii et cellularum processus mastoidei, ex opinione plurimorum, etiam est finis, ut aeri cavi tympani nimium vibrato exitum patescant. — Nonne etiam strepitus explosioni tormenti bellici similis, quem audire sibi persuadet, cuius tympanum perforatur, et sensim strepitum hunc sequens surditas, inde explicari potest, quod soni immoderati nunc aurem internam petant atque ita supra modum irritent, ut etiam qui solem intuitus est, aliquamdiu visum amittit? Saltem nonnulli radios sonoros immediate in cavum tympani irruentes vi sua auditui nocere putant ***). Contrarium certe eveniret si tympanum ad angendum sonum com-

*) Parrot l. c. pag. 310.

**) Rudolphi l. c. pag. 444. not. 2.

***) Encyclopedie cit. Tome XVIème p. 776.

paratum esset. — Re vera quisque vel lenissimus sonus, qui ex membrana tympani nervo auditorio adducitur, satis fortis esse videtur, ut ab illo clare percipiatur, nimirum propter minimam tympani et ipsius auditus sedis distantiam; inversa enim quadratae distantiae ratione, secundum legem physices, soni robur se habet. —

Ex opinione allata de tympani conditione, si sonus illi allabitur, plures diversosque sonos eodem tempore a tympano harmonice repeti posse sequitur, eosque etiam eodem tempore, et per ossiculerum seriem, et per cavitatis tympani aërem auri intimae adduci debere. Quaeritur nunc quomodo plures sonos eodemque varios eodem tempore percipere atque inter se discernere possimus, quoniam sensu confundere eos deberemus? Diversa pericula hujus phaenomeni explicandi plerisque certe nota sunt; liceat mihi igitur tantum in calce hujus dissertationis cuiusdam meorum commilitonum, doctissimi Fianct, sententiam, quae nihi propter simplicitatem suam arridet, proximeque ad veritatem accedere videtur in medium preferre. — Ex sententia enim sua, si duo chordae instrumenti alicujus simul pulsantur, amborum quidem vis aërem nostram attingit, re vera tamen unum tantum audiimus sonum, qui autem, ex duobus sonis est compitus. Gemini hujus toni, speciem simplicis tantum praesertim, animi actione nobis consciit evadimus. Quum primum chordam aliquam pulsare vidimus,

statim intelligemus, sensum auribus perceptum prorsus alienum esse, quam si duo pulsantur. Nam ob rem si semel experientia hac re edocti sumus, facile animi attentione usque eo perveniemus, ut sonum illum, licet chordas pulsare non videamus, duplicum esse sentiamus. Haec tamen non impedire, quoniam falsamur, saepius observare possumus. Musicorum peritus, quinam duo illi sint soni, qui simplicitatis speciem praesertim, facile discernet, musicorum ruditate minime. — Si vero tres, quatuor, pluresve etiam chordas diversas simul tangimus, has quoque tanquam unum sonum audiemus, musicus tantum par erit discernere, ex quot quibusque sonis simplicibus compitus sit. — Quo magis auditus noster excultus eo aptior etiam erit, qui plures sonos maxima subtilitate distinguat. —

.....

E r r a t a.

Pagina 4 loco tympanum ducauntur legere tympanum ducuntur.	
— 6 — seiorum	— sonorum
— 7 — oxterni	— externi
— — — proxsme	— proxime
— 9 — maximo	— maxime
— 10 — tympono	— tympano
— — — sacundarium	— secundarium
— — — mammalia	— mammalia
— 12 — hadere	— habere
— 13 — loquantur	— loquuntur
— 14 — laece	— haecce
— — — productionu	— production
— — — quommodo	— quomodo
— 15 — imbuta	— imbuita
— — — adseverint	— adseruerint
— 16 — ducere	— ducere
— 17 — valvum latam	— valvulatum
— 19 — habendum	— habndam
— — — Beschreibung	— Beschreibung
— 23 — eademque	— eodemque
— — — n-	— ne
— — — opeora	— opera
— 26 — vulsella	— volsilla
— — — zygomoticum	— zygomaticum
— 28 — rectis	— rectis
— — — tympni	— tympani
— 29 — factum	— factum
— 30 — praparatis	— praeparatis
— — — hiatus tympani	— hiatus tympanici
— 32 — constructu	— constructo
— — — Fustachii	— Eustachii
— — — pnapropter	— pnapropter
— 41 membranum	— membranam
— — — interni	— internae
— 44 interni	— internae

T H E S E S.

.....

1.

In tractandis morbis convulsivis infantum gravioribus, praesertim tempore dentitionis, methodus antiphlogistica antispasmodica vel est praefenda, vel cum hac conjugendo.

2.

Ulcus syphiliticum primarium remediis solum topicas sanari potest.

3.

Pericranium ante trepanationem abradere inutile, immo noxiun censeo.

4.

Qui inflammationibus nescit uti, inflammationibus necit mederi.

5.

Tanicas mucosae nihil nisi cutis continuaciones.

三三三三三

and the other two were
the same as the first.

U.S. Environmental Protection Agency
Office of Water
Washington, D.C. 20460

...on and incisiveness that I have never seen in him before.

Microtremus *albus* (Herrich-Schäffer)




Fig 1



Fig 2



Sennett sc

Fig 3





Fig 4



Fig 5



Gouffre